

Script of Evening Gojri News Bulletin 11 October 2024 at 1700 Hrs

ایوننگ گو جری نیوز بلیٹن مورخہ 11 اکتوبر 2024

یوہ آکا شوانی جموں ہے محمد مبارک ماہر تے نصرت چودھری تیں خبر سَنو۔ پہلاں
خاص خاص خبر۔

- *1۔ وزیر اعظم نریندر مو دی غو کہنو ہے جے بحرہ جنوبی چین غو امن سلامتی تے استحکام پورا بند بحر الکابل خطہ غا حق ماہہ ہے۔
- *2۔ ریاستی چناؤ کمیشن نے جموں کشمیر مرکزی زیر انتظام علاقہ ماہہ پنچایتی انتخابات غا انعقاد واسطے اک عمل شروع ہو گیو ہے۔
- *3۔ بی ایس ایف غا افسر نے کہیو ہے جے لگ بھگ 150 دہشت گرد سرحد پار لانچ پیڈ ور دراندازی غو انتظار کر رہیا ہیں۔
- *4۔ جموں کشمیر انتظامیہ نے اج جموں کشمیر پولیس گجیٹڈ سروسز واسطے پہرتی غا نواں رہنما خطوط متعارف کرایا ہیں۔

خبران غی تفصیل نال پہلا محمد مبارک ماہر۔

PM East Asia Summit

وزیر اعظم نریندر مو دی نے لاؤ پی ڈی آر غا وینٹین ماہہ 19 واں مشرقی ایشیائی اجلاس ماہہ اپنا خطاب غے دوران خطہ غا امن تے ترقی بارے آزاد، کھلا، جامع، خوشحال تے قاعدان ور مینی بند بحر الکابل غی اہمیت ور زور دیتاں واں اس گل ور لو کہلی جے بحرہ جنوبی چین ماہہ امن، سلامتی تے استحکام غا سلسلہ ماہہ بند بحر الکابل غی مضبوط غی سخت لوڑ ہے۔ وزیر اعظم نے اس موقعہ ور عالمی تنازعاں تے ترقی بارے گل کرتاں واں کہیو کہ عالمی جنوبی ملکاں ور ان غا مندا اثر ناہہ دیکھتاں واں بڑی پریشانی ہو رہی ہے۔ اُن نے بدھتی ترقی بارے وکالت کرتاں واں اس گل ور زور کہلتاں واں کہیو جے یوہ جنگ غو دور نہیں تنازعاں غے بجائے بیس غے گل بات کر غے ان غو حل گڈنو چاہیے۔ خود مختاری تے احترام غا سلسلہ ماہہ وزیر اعظم نے بولتاں واں کہیو کہ خود مختاری تے علاقائی سالمیت غو احترام تے بین القوامی قوانین غی پا سداری ہونی چاہیے۔ اُن نے کہیو جے انسانی ہمدردی غا نظریہ تے گل بات غے نال نال سفارتکاری ور خاص دھیان دینو چاہیے۔ دہشت گردی ناہہ اک عالمی مسئلہ غا طور ور اُجاگر کرتاں واں وزیر اعظم نے اس ناہہ عالمی امن تے سلامتی بارے خطرہ غا طور ور دسیو۔ اُن نے کہیو جے اس سنگ نمڑن واسطے سانجھی کاروائی غی لوڑ ہے۔ وزیر اعظم نے نیوی گیشن تے فضائی حدان غی آزادی ناہہ یقینی بنان خاطر سائبر، میری ٹائم تے خلائی شعباں ماہہ تعاون غی اہمیت ور وی زور دتو۔ انسانی ہمدردی غا رد عمل بارے ذکر کرتاں واں وزیر اعظم نے طوفان یاگی غا اثرات بارے گل کرتاں واں اُن غی تعزیت غو اظہار کیو تے نال ہی آپریشن سدبھاؤ غے ذریعے بندوستان غی انسانی امداد غو ذکر کیو۔ بھارت لاؤ پی ڈی آر تعلقات بارے چوٹی کا نفرنس غے دوران وزیر اعظم نریندر مو دی تے لاؤ پی ڈی آر غا وزیر اعظم سونیکسے سیفٹون نے بکھ بکھ شعباں ماہہ دو طرفہ تعلقات ناہہ بدھان ور گل بات کی۔ جس ماہہ ورثہ غا تحفظ، دفاعی تعاون، اقتصادی شراکتداری تے ثقافتی تبادلہ شامل ہے۔ اس تعاون ناہہ با ضابطہ شکل دین خاطر

مُج سارا مفاہمت نامہ ور دستخط کیا گیا۔ وزیر اعظم مودی نے اس دوران تھائی لینڈ غا وزیر اعظم پیٹو نگرٹن شیناواترا سنگ وی ملاقات کی تا نجے بھارت، تھائی لینڈ تعلقات نانہ مضبوط بنان تے خلیج بنگلا ابتدائی بانی مسٹک غے ذریعے علاقائی تعاون ور تبادلہ خیال کیو گیو۔ مجموعی طور ور وزیر اعظم نریندر مودی نے اپنا خطاب غے دوران ہند بحر الکاہل غا خطہ مانہہ آسیان تے دوجا شراکت داراں سنگ علاقہ استحکام، ترقی تے تعاون ور مبنی تعلقات نانہہ باہدو دین با رے بھارت غا عزم نانہہ اُجاگر کیو۔ مہارا نامہ نگار غے مطابق وزیر اعظم نریندر مودی وے پہلا رہنما ہیں جنہاں نے میزبان تے آن آلی ایشیائی بیٹھک غی میزبانی غی کرسی تیں بعد مشرقی ایشیائی اجلاس سنگ خطاب غی دعوت دتی گئی تھی۔ پر سار بھارتی تے لاؤ نیشنل ٹیلی ویزن نے نشریات مانہہ تعاون غا سلسلہ مانہہ وی اک مفاہمت نامہ غو تبادلہ کیو ہے۔

Modi Sisoulith Meet

وزیر اعظم نریندر مودی نے لاؤ عوامی انقلابی جماعت غی مرکزی کمیٹی غا جنرل سیکریٹری تے وینٹین مانہہ لاؤ پی ڈی آر گا صدر سنگ ملاقات کی۔ وزیر اعظم نریندر مودی نے صدر سیسولتھ غا آسیان چوٹی کا نفرنس تے مشرقی ایشیائی چوٹی کا نفرنس غی کامیابی غے نال میزبانی کرن ور مبارک باد دتی۔ دوہاں رہنماواں نے دو طرفہ تعلقات ور وی گل بات کی تے قریبی شراکت داری نانہہ بور بہتر بنان غا عزم غو عہد کیو۔ اُن نے کہیو جے بھارت لاؤس عصری شراکت داری پرانی تہذیبی رشتاں مانہہ خاصی جڑی وی ہے۔ اُن نے دوہاں ملکاں بشکار ترقیاتی شراکت داری، ورثہ غی بحالی تے ثقافتی تبادلہ گاشعباں مانہہ جاری تعاون ور اطمینان غو اظہار کیو۔ دوہاں ملکاں بشکار تہذیبی تعلقات با رے ذکر کرتاں واں وزیر اعظم نے نوی نالندہ یونیورسٹی غے ذریعے لوکاں بشکار تعلقات نانہہ مضبوط بنان ور زور دتو۔ صدر سیسولتھ نے ٹانفون یاگی غی وجہ تیں آن آلا سیلاب غا تناظر مانہہ لاؤ پی ڈی آر واسطے بھارت غی انسانی امداد غا سلسلہ مانہہ وزیر اعظم نریندر مودی گو شکریو ادا کیو۔ واضح رہ جے وزیر اعظم نریندر مودی لاؤ پی ڈی آر غا اپنا دور روزہ دورہ تیں بعد دہلی واسطے روانہ ہو گیا ہیں۔

Panchyat Election JK

ریاستی چناؤ کمیشن نے جموں کشمیر مانہہ پنچائتی انتخابات کا انعقاد واسطے عمل شروع کر دتو ہے۔ یاہ پیش رفت حالیہ اسمبلی انتخابات توں بعد ہوئی ہے جہیڑا 10 سال غے ہوا جس مانہہ نیشنل کانفرنس کانگریس حکومت بنان واسطے تیار ہے۔ کمیشن نے ضلع ترقیاتی کمشنراں تیں کہیو گیو ہے کہ وہ کمیشن غی ویب سائٹ ور اپ لوڈ کرن واسطے حتمی 2024 پنچایت فہرست غی سافٹ کا پی جمع کریں۔ ذرائع غے مطابق انتخابات اس سال غا آخر تک ہون غی امید ہے۔

SVEEP JK

جموں کشمیر مانہہ سوشل میڈیا انڈیکس ور جو لائی تے اگست مانہہ بہترین کارکردگی دسن غا طور ور درجہ بند کیو گیو ہے۔ جس مانہہ سوشل میڈیا غی بہترین مصروفیت تے آؤٹ ریچ دسیو گیو ہے۔ یاہ درجہ بندی 15 ریاستاں تے مرکز غا زیر انتظام علاقاں تیں سوشل میڈیا ٹیم غو فراہم کیا ڈاٹا ور مبنی ہے تے چناؤ افسر غے ذریعے تجزیو کیو گیو ہے۔ جموں کشمیر اک موثر تے متحرک سوشل میڈیا حکمت عملی غو استعمال کرتاں واں سر فہرست

ہے۔ جس نے کامیابی غے مال ووٹر بیداری تے کمیونٹی غی شمولیت مانہہ اضافو کیو
 ہے۔ جولائی اگست واسطے سر فہرست 4 بہتر کا رکردگی دسن آلاں مانہہ پنجاب، اڑیسہ،
 مغربی بنگال تے تلنگانہ شامل ہیں۔ بھارتی چناؤ کمیشن نے اس گل ور زور دتو ہے کہ
 تمام ریاستاں تے مرکزی زیر انتظام علاقان مانہہ سوشل میڈیا غو ووٹراں غی تعلیم
 واسطے اک طاقت ور ہتھیار غا طور ور استعمال کرنو چاہیے۔ مسلسل مہم یو جی سی
 تے فعال مصروفیات مستقبل غا انتخابات واسطے اہم رہ گی۔

AAP NC

ارویند کججریوال غی قیادت آلی عام آدمی پارٹی نے جموں کشمیر مانہہ نیشنل کانفرنس
 غی حمایت غو باضابطہ اعلان کیو ہے۔ عام آدمی پارٹی نے عمر عبداللہ غی حکومت
 واسطے حمایت غو باضابطہ خطہ لیفٹنٹ گورنر غا دفتر مانہہ پیش کیو۔ حالیہ اسمبلی
 انتخابات مانہہ عام آدمی پارٹی غا محراج ملک نے ڈوڈہ حلقہ تیں بی جے پی غا
 گجے سنگھ رانا مانہہ 4 ہزار 5 سو 38 ووٹاں تیں شکست دتی تھی۔ فی الحال عام آدمی پارٹی
 غو جموں کشمیر اسمبلی مانہہ اک ایم ایل اے ہے۔

Jasrotia Election

جسروٹا اسمبلی حلقہ تیں بی جے پی غا نواں چُنیا گیا قانون ساز اسمبلی غا رکن راجیو
 جسروٹیہ نے نامہ نگاراں سنگ خطاب کرتاں واں جموں کشمیر غا لوکاں غو شکریو ادا
 کیو۔ اُن نے کہیو جے لوکاں نے بی جے پیہ جماعت غی حمایت، اعتماد تے ترقی مانہہ
 ووٹ دین غے نال نال وزیر اعظم نریندرمودی غی پالیسیاں ور پورو بھروسو رکھتاں
 29 سیٹاں ور شاندار کامیابی دتی ہے۔ اُن نے کہیو جے وادی کشمیر مانہہ بی جے پی
 پہاویں کوئی سیٹ نہیں جیتی پر اُس نے ووٹ بینک غی مضبوط بنیاد قائم کی ہے۔ اُن
 نے کہیو جے بی جے پی ایک بھارت متحد بھارت تے مربوط بھارت غا ناں ور چناؤ لڑے۔
 اُن نے کہیو جے لوکاں نے منشور نیشنل کانفرنس غا حق مانہہ دتو ہے تے اُن غی
 ذمہ داری بنے جے وے لوکاں غی امیدیاں ور پوراں اُتیں۔ تے چناؤ غے دوران کیا گیا
 وعداں غے مطابق عام بندہ توڑی پُجنو اُن غی ذمہ داری ہے۔ اُن نے کہیو جے بی جے
 پی کشمیر مانہہ اپنو کھاتو کھولن غے نیڑے تھی پر اُنہاں نے اچھی خاصی گنتری مانہہ
 ووٹ لیا جس سنگ ظاہر وے کہ کشمیری لوک وی وزیر اعظم نریندرمودی مانہہ پسند
 کریں۔ اُن نے کٹھوعہ گا لوکاں غو ضلع مانہہ 5 اں نشستیاں ور جیت غا سلسلہ مانہہ
 شکریو ادا کیو۔

یہ خبر تم آکاشوانی جموں تیں سُن رہیا ہیں خبراں غا باقی حصہ نال نصرت چودھری۔

BSF LoC

تقریباً 150 دہشت گرد سرحد غے اُس پار لانچ پیڈ ور انتظار کر رہیا ہیں تا نچے موسم
 سرما غے قریب آتاں ہی وادی کشمیر مانہہ دراندازی کی جا سکے۔ تاہم سلامتی دستا ایسی
 کسے وی کوشش مانہہ ناکام بنان واسطے تیار ہیں۔ بی ایس ایف غا انسپکٹر جنرل اشوک
 یادو نے کہیو ہے کہ دراندازی غی کوشش جاری ہیں۔ بی ایس ایف مختلف ایجنسیاں غی
 خُفیہ سُو غی بنیاد ور فوج غے نال مل غے اک حکمت عملی بناوے جس تیں سرحد ور
 کنٹرول برقرار رکھن تے ان دراندازیاں مانہہ روکن مانہہ مدد لے۔

Recruitment Guidelines

جموں کشمیر انتظامیہ نے آج جموں کشمیر پولیس خدمات واسطے پہرتی غا نواں رہنما خطوط متعارف کرایا ہیں۔ سرکار ی نوٹیفکیشن غے ذریعے نافذ کیا گیا قوانین پولیس افسراں واسطے پہرتی غا عمل مانہہ اک اہم بدلاؤ غی نشاندہی کریں۔ نوٹیفکیشن غے مطابق پہرتیں برائے راست تقرریاں تے ترقیاں غے ذریعے کی جائیں گی۔ جموں کشمیر عوامی خدمات کمیشن جے کے پی ایس سی براہ راست پہرتی گا مسئلہ ناہہ سنبھالے گا۔ جد کہ ترقیاں غی نگرانی محکمانہ ترقیاتی کمیٹی ڈی پی سی کرے گی۔ نواں رہنما خطوط مچ سارا کیڈرز ور لاگو ویں۔ جن مانہہ عام، موصلائی، وزارتی، سٹینو گرافی، فوٹو گرافی، پولیس غی گڈیاں لاریاں بارے کارگاہ تے اسلحو پروڈ وغیرہ شامل ہیں۔ محکمہ غے اندر ترقیاں تے تقرریاں غی نگرانی گا سلسلہ مانہہ 2 منتخب کمیٹی بنائی گئی ہیں۔ جن مانہہ چیف سیکریٹری تے پولیس غو ڈائریکٹر جنرل وی شامل ہیں۔ اعلیٰ حکام غی سربراہی مانہہ یہ کمیٹی بنائی گئی ہیں۔ ان سجزا قوانین نے جموں کشمیر پولیس خدمات پہرتی ضابطہ 2002 غی جگہ لی ہے۔ جس غو مقصد پولیس فورس بارے پہرتی غو اک منظم تے شفاف عمل بنانویے۔ نوٹیفکیشن غا نفاذ ہون تیں بعد اصلاحات سنگ نمڑن تے بکھ بکھ کیڈراں مانہہ پہرتی گا نظام ناہہ مضبوط کرن غی امید ہے۔

Girl Child Day Poonch

بچیاں گا عالمی تہاڑا ور ضلع قانون خدمات اتھارٹی تے محکمہ سماجی بہبود نے پونچھ گا دینا ناہہ میموریل ہائر سکینڈری اسکول مانہہ اک بیداری پروگرام غو انعقاد کیو۔ اس تقریب غو مقصد لڑکیاں ناہہ ان غا حقوق تے مواقع غا بارا مانہہ آگاہ کرنو، صنفی مساوات غی حوصلہ افزائی کرنو تے انہاں ناہہ مستقبل غی تعمیر واسطے با اختیار بنانو تھو۔ مہارا ضلع نمااندہ انوبھو و مصری نال گل کرتاں واں قانونی امداد بارے ماہر بانو پرتاپ نے اس طرح کہیو۔۔ بانٹ۔۔

اس غے نال ہی خبراں غو یوہ بلیٹن ختم ہوو۔